

Ullut erfalasulisaarfissat pillugit Namminersornerullutik Oqartussat nalunaarutaat

Kalaallit Nunaata erfalasua pillugu inatsisartut inatsisaanni nr. 6, 11. juni 1985-imeersumi § 2
naapertorlugu aalajangersarneqarpoq:

§ 1. Ullut pisortatigoortut pisortat illuutaanni tamani kalaallit erfalasuannik erfalasulerfissat tassaapput:

1. januar	Ukiortaaq
6. januar	Kunngit pingasut ulluat
5. februar	Kunngissap nuliata kunngikkutut ataqinassusillip Maryp inuuia
6. februar	Kunngikkutut ataqinassusillip Prinsesse Mariep inuuia
	Sisamanngortoq illernartoq
	Tallimanngorneq tannaartoq
	Poorskip ullua
	Poorskip-aappaa
9. april	Danmarkip tiguagaaffia
16. april	Ataqinartorsuup Dronning Margrethep inuuia
29. april	Kunngikkutut ataqinassusillip Prinsesse Benediktep inuuia
1. maj	Namminersornerulernerup eqqunneqarfia/Sulisartut ulluat
	Qilaliarfik
5. maj	Danmarkip aniguisitaaffia
	Piinsi
	Piinsip-aappaa
26. maj	Kunngikkutut ataqinassusillip Kunngissap Frederiup inuuia
5. juni	Inatsisitaarfik
7. juni	Kunngikkutut ataqinassusillip Prins Joachimip inuuia
11. juni	Kunngikkutut ataqinassusillip Prins Henriup inuuia
15. juni	Valdemarip ullua/Kattuteqqinnerup ullua
21. juni	Kalaallit Nunaata inuiattut ullua
3. juli	Hans Egedep ullua
24. oktober	FN-ip ullua
21. december	Ullukinnersiorfik
24. december	Juulliaraq

25. december Juullip ullua
26. december Juullip-aappaa

§ 2. Erfalasoq amuneqartassaaq kingusinnerpaamik nalunaaqutaq 09.00 peerneqartarlunilu nalunaaqutaq 17.00 kingusinnerpaamillu nalunaaqutaq 20.00. Ulluni erfalasoqarfiusuni erfalasoq apissillugu amuneqartassaaq taamaallaat pinnagit ullut erfalasulisaarfiit imm. 2-mi 3-milu taaneqartut.

Imm. 2. Tallimanngornermi tannaartumi erfalasoq qiteqqusimassaaq. Pisortatigut ulloq alla tallimanngornermi tannaartumi pippat erfalasoq ulloq naallugu qiteqqusimassaaq.

Imm. 3. Ullormi Danmarkip tiguagaaffiani 9. april erfalasoq qiteqqusimassaaq nalunaaqutaq 12.00-ip tungaanut, tamatuma kingornatigut apissillugu amusimassaaq, takuulli imm. 2.

§ 3. Nalunaarummi matumani inerteqqutaanngilaq ulluni allani erfalasulisaartarneq, soorlu ilagiit nalliuttuini imaluunniit nalinginnaasumik nalliuttorsiorfinni.

§ 4. Nalunaarut manna 15. november 2008 atortuulerpoq.

Imm. 2. Tamatuma peqatigisaanik ullut erfalasulisaarfiit pillugit Namminersornerullutik Oqartussat nalunaarutaat nr. 16, 17. juni 2005-meersaq atorunnaarpoq.

Namminersornerullutik Oqartussat, ulloq 11. november 2008

Hans Enoksen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

